

欽定鳥譜

欽定鳥譜第六冊

丹雄雞

一名戴丹  
一名朱雞

丹雄雞黑睛紅眶紅頰黃耳朱冠朱縷黑黃  
鬣冠縷俱有殷紅點項毛紅赤間以黑莖背  
毛深紅赤色黑裏黑綠翅赭黃翮黑暈臆腹  
俱黑尖帶暗赤黑綠長尾蓬鬆喬起米紅足

米白爪有懸距糠雞雄者羽色不一有丹有  
白有黑有雜色者本草云雞有五色者黑身  
白首者六指者四距者並不可食入藥者唯  
丹白二種蓋物狀之異者每能為毒今人家  
畜養大概多丹色者也

爾雅疏云雞之大者名蜀蜀之雛子名雛雛

之稍長未成雞者名健絕有力者名奮本草  
綱目云雞類甚多五方所產大小形色往往  
亦異朝鮮一種長尾雞尾長一二尺遼陽一  
種食雞一種角雞味俱肥美南越一種長鳴  
雞晝夜啼叫南海一種石雞潮至即鳴一種  
矮雞脚纔二三寸蜀中一種鶡雞楚中一種

儻雞並高二三尺此其以地而異者也集解  
云丹雄雞一名戴丹即朱雞也李時珍曰雞  
雖屬木分而配之則丹雄雞得離火陽明之  
象易說卦巽為雞疏云巽主號令雞能知時  
故為雞也漢上易傳云巽木含火火炎上故  
雄雞有冠乃鳴巽位在巳金所生也王于酉

上直于昴故雞又為金畜春秋說題辭云雞  
為積陽南方之象火陽精物炎上故陽出雞  
鳴以類感也九家易云風應節而變變不失  
時雞時至而鳴與風相應二九十八主風精  
為雞故雞十八日剖而成雛物類相感志云  
野雞屬陰先鳴而後鼓翼家雞屬陽先鼓翼

而後鳴爾雅翼云雞鳴必三度其見同類亦  
拊翅而鳴無用閒談云雞無外腎而虧小腸  
故飲而不溺諺云雞無肺謂無金不能生水  
也未齋雜言云相傳養雞無雄取其卵就釜  
底摩之則育今俚人每以雞卵告竈而伏出  
之埤雅云鹽鐵論曰雞廉狼貪雞跑食物每

有所擇故曰小廉如雞王褒云魚瞰雞晚李  
善以為雞好邪視是也禽經云雞以嗔視物  
性志云雞性好鬪故其肝不和人異名錄云  
禮記雞曰翰音古今注雞一名燭夜一名司  
晨暈雅云雞曰知時鳥亦曰德禽亦曰窻禽  
亦曰會稽公亦曰長鳴都尉梵書名鳩七咤

又風俗通云俗說朱氏公化而為雞故呼雞者皆言朱朱古方集覽云雞之通身皆可入藥肉治肺頭治蠱辟瘟身血解驚安神冠血主乳難治目赤去毒肪治耳聾肝療目暗膽治痔腎治鼻齕嗉治氣噎脛裏皮一名雞內金治小兒諸疾腸治消渴肋骨治羸瘦距下骨

哽翮翎治血閉其卵及卵殼

名混  
沌池

與殼內白

皮

名鳳  
凰退

俱治各種疾症

黑雌雞

黑雌雞黑睛紅暈紅頰白鬣低絳噴小紅綾  
白花耳頭頂頸項黑質赭白橫紋相次背腹  
俱黑帶暗白花紋黑翅白莖短黑尾白足爪  
時作穀穀聲不能長鳴伏卵時聲低而悠揚  
禽經所謂穀將生子呼母應也此雌雞之一

種亦有黃者白者雜色者形體大小相同毛  
色各別人家畜養黃色者居多

本草綱目云黑雌雞肉氣味甘酸溫平無毒  
黃雌雞肉氣味甘酸鹹平無毒李時珍曰烏  
色屬水雌者屬陰故烏雞所治皆血分之症  
黃者土色雌者坤象味甘歸脾氣溫益胃故

所治皆脾胃之症各以類從也

烏骨雞

烏骨雞黑睛紅暈翠耳黑嘴黑舌兩頰及冠  
綏俱殷紅色通身純白黑脰足五趾黑爪有  
懸距亦有絲毛者

物類相感志云烏骨雞舌黑者則骨黑舌不  
黑者但肉黑本草綱目云烏骨雞有白毛烏

骨者黑毛烏骨者斑毛烏骨者有骨肉俱黑者肉白骨烏者但觀雞舌黑者則骨肉俱烏入藥更良雞屬木而骨反黑者巽變坎也受水木之精氣故肝腎血分之症宜用之集驗方云中惡者以白烏骨雞薄心即瘥

翻毛雞

翻毛雞黑睛赤黃暈黃白眶淺紅頰黃白鬣  
淺紅冠縷帶蒼赤細點通身純白其毛管皆  
逆出彎曲外向翅尾亦然黃白足黑爪白懸  
距此種白色者居多每至夏月毛毳如禿唯  
存莖管秋末始執至冬而翻尾乃成

廣志云雞有反翅之種桂海虞衡志云翻毛  
雞翻翎皆翻生彎彎外向尤馴狎不散逸二  
廣皆有本草集解云乾坤生意云反毛雞治  
反胃反毛雞即翻翅雞也治反胃者述類之  
意耳物類相感志云雞未弼者以苕帚趕之  
則弼毛倒生然不過翅翻耳自有一種反生

毛雞通身毛皆倒向也

絲毛雞

絲毛雞雄者黑睛紅暈紅頰白耳淺黃嘴鮮  
紅冠重疊如花綫亦極長通身純白毛細如  
絲黃綠足爪五趾有懸距雌者黑睛黃暈紅  
頰白耳低幘短綫米白嘴通身純白絲毛紫  
粉足白爪四趾無懸距此種南北方皆有之

白者居多亦有丹赤淡黃者亦有烏骨者  
廣志云雞有五指金骸之種白雞金骸者鳴  
美

萊雞

萊雞黑睛赤黃暈黃眶淡紅頰黑花耳赭白  
嘴淺紅冠縷俱雜赤黃點項毛赭黃色下節  
有黑莖背膊赤赭色近尾長羽略黃尖末帶  
黑青黑翅赭土翮青黑臆腹青黑喬尾黃足  
黑爪長懸距出山東萊州府

齊乘云萊州掖縣土產大雞高二尺許土人  
取雄者去其腎以時喂飼處以小方籠令不  
得轉動以定其性養之一月可充庖廚矣云  
過期則老不及則瘦也莊子曰越雞不能伏  
鵠卵魯雞固能矣知齊魯之雞本大于他處  
也

越雞

一名九斤黃

越雞黑睛紅黃暈紅頰白耳黃白鬚鮮紅冠  
垂綫甚大自頷至頸半色皆如血赤黃項赭  
黑背膊翅毛帶土赤色黑暈近尾背毛赭紅  
色黑尾赭土腹黃足白爪懸距胫骨甚粗此  
種出江南太倉上海諸處越雞之最大者其

重有至九斤俗亦名九斤黃

恭和雞

恭和雞黑睛紅暈紅頰牙色紫小頭黃耳冠  
不甚高上有細紅絲聳起綫亦不極大色甚  
鮮赤項背毛皆赤色中間赤莖肩上殷紅毛  
一節黑紅翅翩翩邊露白羽一二莖黑臆黑  
腹腹下有赭黃斑長黑尾尾根間白縹白足

有懸距出江西泰和縣

本草發明云江西泰和吉水諸縣俗傳老雞能發痘家家畜之近則五六年遠則一二十年云取其能助濕熱發漿也風土有宜不宜不可以為法

廣東雞

廣東雞雄者黑睛黃暈赤頰白耳黃白鬚朱  
冠甚高如火燄勃起紅綫下垂如囊頸背赤  
黃色赭黃翅翩翩有黑翎黑尾赭黃腹短黃  
足白爪小懸距雌者黑睛黃白暈粉紅頰赤  
點白耳低紅幘小綫赭黃項土黃背背翅毛

蒼赭色帶黑黑尾土黃邊米白腹綠短足白  
爪此種出廣東廣志所謂雞小者荆是也亦  
有白黑諸色

洋雞

洋雞雄者黑睛赤黑暈縹白頰白耳頷有垂囊殷紅色下連胷臆黃白觜觜根有肉鼻長寸許怒則頸臆肉色先紅肉鼻亦變赤伸而下垂長可五六寸其色青紅閃爍無定開張其尾亦如屏然性過則收斂如故頭頂紅質

粉青點頸上有紅蕾大小磊磊連綴項末至背腹俱赤黑質深黑邊翻毛白質蒼赤花點翅根及尾俱淡黃暈蒼黑節蒼點毛末上黑下白赭紅足青白爪雌者黑睛黃黑暈米白鬚鬚根肉鼻甚短不能伸縮頷下紅皮亦小灰紅頂頰頰旁小紅蕾一簇項背胸臆俱墨

褐色黑紋鱗次背腹近尾處俱有黑白邊淡  
土黃翅翻淺黑斑暈赭黃尾蒼點尾末黑白  
二色青白足此特雌雄毛色之一其外有灰  
色者黃褐色者蘆花者黑白花者毛羽顏色  
不同其形狀大小則一也北方向年所無自  
俄羅斯人携至內苑孳生日繁近民間亦或

有之矣

粵志云西洋雞短足昂首毛片如鱗坤輿外  
紀云墨是可國有雞大如鴛羽毛華彩味佳  
唯頭有毒不可食吻上有鼻可伸可縮縮僅  
寸餘伸可五寸許其尾能開展如孔雀坤輿  
圖說云白露國雞大于常雞數倍頭較小觜

上有肉鼻可伸縮常時鼻色或縹白或灰色  
天青不等惱怒則血聚于鼻上變紅色其尾  
開屏如孔雀渾身毛色黑白相間生子之後  
不甚愛養須人飼喂方得存活

野雞

一名雉一名鷄雉  
梵名迦頻闍羅

野雞雄者赤黑睛眶有白點米黃嘴大赤頰  
頰中有綠毛一片逆起此其耳也黃綠毛冠  
覆頂翠綠頸項下有白毛一節如環肩臆毛  
皆纖細黃裏綠邊間以白質若披雲帔胸毛  
赤黃裏黑邊背膊毛片稍大背毛米色裏有

黑暈如大理文石邊暈赤黑二層接以翠綠  
金暈黑斑如孔雀尾色近尾莎綠毳毳膊毛  
黃裏黑邊接以慘綠紅黃翅黑翮有斑隱約  
閃爍如泥金點淡黑腹赭尾蓋尾三四長翎  
有黑黃橫紋對節黑足爪趾趾有距雌者黃  
黑睛眶有紅點青白紫白頰無冠有耳米紅

頷臆毛片極細米紅頂深黑點米紅頸項黑  
斑背膊俱蒼質白章胸腹老米色細黑紋滿  
之間以赤白毛黑翅翮土黃節尾短於雄對  
節斜黑文如八字黑足爪無距

爾雅翼云雉有十四種青質五采曰鷩雉長  
尾走且鳴曰鷩雉黃色自呼曰鳩雉似山雞

而小冠背黃腹赤項綠曰鶩雉如雉而黑者  
曰海雉長尾者曰山雉亦曰鷓白者曰雉雉  
亦曰鶉雉即白雉也小如鴿羣飛者曰冠雉  
最健鬪者曰奮素質五采皆備成章曰暈南  
方曰鷓東方曰鷓北方曰鷓西方曰鶉雉之  
子曰鷓埤雅云雉性耿介妬壟護疆善鬪飛

不越分域一界之內要以一雉為長餘者雖  
衆莫敢鳴鳩潘岳賦所謂畫墁衍以分畿者  
也其字從矢謂雉不能遠飛若矢一往而墮  
雖非辰屬而離火其體正是南方之物陶弘  
景云丙午日不食雉明旺於此也文選潘岳  
射雉賦注云原鳥雉也雉不處下隰故曰原

禽亦名義鳥為人致敵故曰義媒朱冠藻翰  
首綠色而頸纏素身采如繪夾尾間青毛如  
莎草之靡易通云十一月雷在地中雉先知  
而鳴按說文云雉雄雌鳴也雷始動雉鳴而  
雉其頸盖雉鵠以足相勾雉以頸相勾故雉  
鵠從句雉雉亦從句與蛇交則生蜃水火氣

濟也易說卦傳注云雉方伏時東西風則伏  
南北風則去而不伏坎勝離也小寒始雉臨  
之六三離變兌也星隊而雉雉者震兌相感  
也蛇化雉者巽成離也本草綱目云雉理也  
有文理也其類雖多亦各以形色為辨南北  
皆有之形大如雞而斑色繡翼雄者文采而

尾長雌者文暗而尾短其卵褐色將卵時雌  
避其雄而潛伏之否則雄啄其卵也味微寒  
無毒周禮庖人供六禽雉其一亦食品之貴  
者談薈云雉火屬也感於陽而有聲先鳴而  
後鼓翼漢書注荀悅曰呂后諱雉故雉之字  
曰野雞釋藏梵名雉曰迦頻闍羅

雉雞

一名山雉一名  
鷓雉一名夏翟

雉雞雄者黑睛朱眶青黑觜白頂黑頰黑項  
眶下有白毛一片白頷臆杏黃胸有黑斑背  
毛黃裏黑邊連頸處有白質赤黑重暈毛數  
十莖膊毛白裏黑黃緣翅毛赭黃黑白四色  
比次成章淺黑翮暗黃斑長尾蓋尾二翎幾

三尺灰質黑莖赭邊黃黑斑對節黑腹黃白  
紋黑足爪有距雌者黑睛粉紅眶青黑嘴米  
黃頰頷蒼頂蒼頸頂有小黑點頸有尖白文  
背翅淺土黃質白莖黑暈胸腹深米黃色有  
黑白暈尾短於雄蓋尾毛蒼褐無彩裏毛有  
黑點黑足爪無距

爾雅鸛山雉注云長尾者疏云山雉一名鸛  
郭云尾長者今俗呼山雞是也禽經注云山  
雉至夏則毛羽光鮮故名夏翟尤自珍其尾  
林木之森鬱者不入恐為觸損雨則避於巖  
石之下恐濡濕也本草綱目云山雞似雉而  
尾長三四尺者鸛雉也物考云今燕豫所有

長尾野雞乃鸛雉也書禹貢之夏翟詩之秉翟翟第周禮之翟車皆即此與鷓雉有別鷓雉身小於鸛而尾倍長走而且鳴唯秦地有之本草集解謂南方隸人多挿其尾於冠此亦鸛之毛也今南方人呼鸛雉尾為豎雞毛豎雞者雉雞之訛也

半翅

一名  
半癡

半翅青黑睛紅眶青白背黃白頰頰下有紅  
黑縱理黃頷黃胸臆蒼黑頂有細白毛莎青  
項背尾蒼褐質赭黑指爪文白莖細黑暈膊  
翅蒼褐質粗白莖赭黑斑暈米黃腹赭斑青  
足爪亦名半癡

彙雅云半癡形半於雉味亦可食其性癡而  
易襲空同子曰半癡見人飛不過三五尺可  
以杖擊之亦呼半翅王嘉謨薊丘集云京師  
北山鳥有半翅味雖不及文雉亦可佐盤飧  
也

雌半翅

雌半翅黑睛粉青臉蒼點黑背土黃頂頰土  
黃頷莎青頸項細黑紋大赭斑青赭背深赭  
尖斑赤赭膊土黃莖深赭斑土黃翅翮黑暈  
土黃臆青腹大赤赭斑胸下有黑毛一片短  
尾土黃質細黑紋赭斑蒼黃脰足青黑爪

麻雀

麻雀雄者黑睛黑觜黑頂黑頰土黃眉赤黃  
頷臆有黑點背毛黑質黃點近尾處黃質白  
文翅毛黑質黃白紋腹毛土黃質白邊黃尾  
蓋以黑翎黃黑足黑爪雌者黑睛黑觜黑頂  
頰土紅眉赤黃頷臆青黑背翅俱有細白毛

黑尾尾根黃黑色青白腹有蒼斑黃黑足黑  
爪此鳥喜食栢子及秋而肥其肉香脆

穿草雞

穿草雞黑睛黃白眶黑觜味微勾頭頂瓦灰  
質赤黃斑暈項頷臆腹俱白背膊蒼灰色白  
邊鱗次翅毛粉青翮尾青黑足細而長淺黃  
色無後趾短黑爪此鳥常隱沒草際肉不中  
食其飛起時兩翅轟轟作聲尾亦搖動故滿

洲名西沙里漢

樹雞

樹雞黑睛白眶上臉紅砂皮一片黑紫通身  
黑質頂有細黃點頸項至背雜深青紋膊上  
土黃紋如穀近尾尤多翅毛根白末帶蒼暈  
蒼黑翻白莖腹毛每片尖末有白紋一線近  
尾純白尾分兩岐中均如魚尾白緣甚細長

脛毛黑足爪此種產于關東肉甚鮮美味帶  
微酸常栖止樹上故得斯稱京師直北口外  
亦有之味不中食形亦畧小毛羽則文彩可  
觀黑睛青黑暈米白眶上臉紅皮一片土黃  
頷頰細蒼點頷下黑毛三四處青黑頂項土  
黃頸襟黃黑斑背近項處黑毛中黃白橫紋

隱現接以純黑毛深翠緣近尾處赭黑相暈  
閃耀如金膊毛黃黑暈襟黑白斑翅毛中黑  
白根白尖蒼黑翮臆前黑質黃紋腹下純黑  
近尾純白黑尾分兩岐末緣白紋如線短脰  
毛青趾爪

鷓

鷓一名勇雉一名鷓  
雞雉俗名趕亮噪

鷓雞雄者黑睛赤黑暈白眶黑翦頂有纓毛  
覆項內黑外黃黑頭黑領土黃項毛白心項  
後純白毛一片背毛青黑邊灰心紛披下垂  
脅毛黑邊灰暈白心蒙茸上向蒼赭翅翮黑  
暈白莖赤褐臆腹赭黑尾蒼黑足爪有懸距

雌者頂無纓毛黑睛赤暈蒼花頰蒼觜蒼黑  
頭項臆前米白毛一片蒼背蒼赤翅俱有黑  
斑點暈尾毛赤黑色間黑白斑臆腹微白帶  
蒼白紋青蒼足爪無懸距性勇而善鬪東方  
將明每先鳴雌故俗有趕亮噪之稱

山海經注云鷓鴣似雉而大青褐色有毛角

勇健出上黨禽經云鷓毅鳥也注云狀類野  
雞首有冠性勇于鬪後漢書輿服志鷓冠注  
云鷓者勇雉也其鬪對一死乃止故趙武靈  
王以表武士焉廣志云鷓雉黃黑色首有毛  
角如冠性愛其黨有被侵者直往赴鬪雖死  
不置食之令人勇健其聲短厲侵曉而雉故

王粲鷓鴣賦云翹晨風以羣鳴震聲發乎外寓  
釋名解義云雉之別種毛羽黃而褐色有角  
者曰鷓青黑色無角者曰鷓或曰鷓即鷓之  
雌者也

何爾其

何爾其黑睛赤黃暈上臉紅皮甚大彎曲如  
眉青黑鬣頂項至背純黑膊翅黑質白邊翻  
毛黑黃色黑尾中有二花翅黑白逐節相次  
頷腹蒼赭色脰上蒼灰毛甚密青蒼趾爪趾  
底亦有短茸毛身高二三尺生于口外索約

兒濟地方喜食水楊嫩芽難于畜養

金錢雞

金錢雞身如雞尾如雌雉白眼黑瞳黃頰青  
黑翮頭頂細毳慘灰色帶蒼紋背翅皆作圓  
文天青色白邊暈似錢之有輪郭自臆背至  
尾俱淺栗色細白點滿之青白足四距上有  
懸爪尾末每毛有一綠斑紋不甚圓

金銀錢幣考卷二  
三四

粵志云有金錢雞通身作金錢如孔雀尾足  
四距

案金錢雞有二種一種身高大毛片如鱗通作金  
錢翠碧如孔雀尾眼者云出自海中廣東時  
有之一種身如常雞而大頂有茸毛翅有圓  
文白暈青裏背臆皆有小白文者出于閩中

石雞

石雞黑睛赤黑暈紅眶紅嘴白頰灰頷嘴根  
目上有黑毛一線日後臆前亦有黑毛成片  
短項自頂至背翅尾俱紅褐色胸色青褐腹  
毛青灰質黃黑相間成文短紅足蒼黑爪

居山襟記云山中五六月間有一種石雞似

雞而小紅嘴褐身羽毛可玩聲如雞而大意  
即本草所謂鷓雞也本草云鷓雞秧雞之類  
雄者色褐雌者色斑其聲甚大秋月即無

竹雞

一名泥滑滑  
一名山茵子

竹雞青黑睛黑嘴吻根至目上毛色縹青蒼  
褐頂頸毛稍深俱有黑點赤黃頷項縹青臆  
赤黃胸紅褐背翅背有白點翅有白緣赭黃  
腹大黑斑紋褐尾青足爪

遯齋閑覽云竹雞南方山林中皆有之自呼

為泥滑滑者是也本草綱目云竹雞一名山  
菌子言味美如菌也狀如小雞今江南川廣  
處處有之多居竹林中形比鷓鴣差小褐色  
多斑赤文其性好啼見其儔必關捕者以媒  
誘其關因而網之蜀人呼為雞頭鷓南人呼  
為泥滑滑因其聲也物類相感志云竹雞叫

可去壁虱并白蟻

火雞

火雞赤黃睛牙紅觜殷丹頰兩頰下各有白  
毛角長出腦後頭背腹翅俱青褐色帶細白  
毛長尾上半皆白毳尖末深藍色深紅足米

紅爪

松雞

松雞黑睛赤黑暈黃臉黑觜頭頷蒼赭雜毛  
頰旁土白色背毛黑斑上土黃色點如洒間  
以黃白細毳近翅處左右各兩翎黃邊黑花  
紋淺黑膊翅脊上有土黃點翅根露白尾不  
甚長上節赭黃質黑橫紋下節蒼質白橫紋

深赭黃尖頸下黑橫斑蒼點間赭白暈喙臆  
白毛一節胸下長毛赤黑灰三色帶微白細  
點參差蓋腹近足以下皆蒼白細毳黃足黑  
爪後趾極短出蒙古地方樹雞類也

山花雞

山花雞黑睛青黑暈紅臉蒼鬣白喙尖黑頂  
深紅頰額目後紅毛一道與頂毛俱長出腦  
後項上紅毛一片中隱白斑兩旁仍間以黑  
毛背毛大小叢斑如珠璣叅錯皆紅白相暈  
緣以赤黑肩毛紅黑色翮翅黑質赭黃斑暈

如洒紅白毛尖尾赭白二色雜以黑花斑毛  
末亦作紅白色臆腹淺赭色腹下間紅黑毛  
粉紅足爪雉類也出福建建寧府